

## kalean gora, kalean behera

### 4.500 disko pirata atzeman dituzte

Disko piraten arazoa inoiz baino nabarmenagoa ikusi dezakegu sanferminetan. Txoko guztietan dago kaleko saltzailerren bat, udako abestiak biltzen dituzten diskoak saltzen. Udaltzaingoak 4.500 disko pirata atzeman eta 18 lagun atxilotu ditu.

### 'Struendo' burrunbatsua

Osteguneko 23:59an puntu-puntuan, udaletxeko atzealdean, ehunka danborren eta dunbalen hotsa entzun zen. Duela 41 urte, Irrintzi peñako batzuk hasi ziren uztailaren 11ko gauean ahalik eta zarata gehien ateratzen, eta ordutik ez dira gelditu.



JAGOBA MANTEROLA/ARGAZKI PRESS  
Burrumba ikusgarria izan zen.

### Martinenari Urrezko Oilartxoa

Napardi gastronomia elkarteak urtero iruindar baten merezimenduak goraipatzen ditu Urrezko Oilartxo sariaren bidez. Aurten, Juan Jose Martinena historialariari eman diote saria. Hemendik aurrera, gainera, Napardiko ohorezko kide izanen da.

### Txistularien alardea gaur, Media Lunan

Euskal Herriko Txistulari Elkarteak antolatuta —aurten 75. urteurrena egiten dute—, 43. Txistulari Alardea egingen dute gaur, 12:00etan, Muthiko Alaiak abesbatza, Mikel Ordoki kantaria, Iker Larunbe dantzaria eta Gorka Errezil danbor-jotzailea lagun direla.

# Gero eta euskal txoko gutxiago dago

Oraindik ere, Zaldiko Maldikok eta Udalaren txokoak eusten diote



LANDER F. ARROIA/ARGAZKI PRESS

Iturriaga, Lizaso, Silveira eta Arzallus bertsolariak atzoko saioan.

A. Azpilikueta - A. Gartzia | IRUÑEA

Barraka politikoen gunerik eta Nafarroa Oinez txosnarik gabeko San Fermin hauetan, gero eta gutxiago dira euskal txoko dei ditzakegunak. Zaldiko Maldiko elkarteak Antsoleaga karrikan segitzen du, jakina, eta sanferminetan, IKAre laguntzaz, ahalegin berezia egiten dute euskal giroa sortzeko. Aurten *Kaxiano*pea izena du.

Egunero antolatu dute ekitaldiren bat, era guztietako dantzaldiak, kantaldiak eta bazkariak. Sagrario Aleman IKAre ki-dearen aburuz, garrantzitsua da halako euskal txokoak mantentzea. «Euskaldunok toki guztietan ibili behar dugu eta ahalik eta espazio gehiena hartu, baina, hala ere, une honetan, oraindik ere halako txoko bat beharrezkoa da. Zaila baita sanferminetan hainbeste kanpotarren artean bertako giroa sortzea. Aurten, gainera, barrakak eta Oinez txosna ez zegoela eta, are garrantzitsuagoa da txoko hau mantentzea».

### Udalaren euskal txokoa

Iruñeko Udalak Media Luna parkean jarri du aurten ere euskal musikarako txokoa. Ekitaldietara ikusle nahikotxo hurbildu da. Atzo bertan, bertsolaritza saioa egin zuten Amets Arzallus, Unai Iturriaga, Sebastian Lizaso eta Xabier Silveira bertsolariekin. Beste batzuen artean, aurtengo jaien arazoei buruzko bertsoak bota zituzten. Adibide bezala Iturriagak bota zuena: «Iruñean bada/ jai zala-parta/ Gaztelu plaza eta hamai-ka barraka/ alde denetatik era-soa/ Barcina zeruraino jaso-a/ Bai, bai badakit/ errez esaten dela kanpotik/ segi oztopo den-nen gainetik».

**HUTSUNEA.** Oinez denda ez dago betiko tokian



ASIER AZPILIKUETA

## Hau ez da Oinez denda

Urtero, Nafarroa Oinez denda jarri izan dute Niza taberna ondoko autobus markesinan, Ahumada kalean. Aurten, baina, Iruñeko Udalak ez zien baimenik eman eta markesina desmuntatu zuen, «arriskutsua» zelakoan. Argazkian ikus daitekeenez, beste arropa denda ibiltari batek bete du Oinez dendaren hutsunea. Hala ere, hiru Oinez denda daude: San Anton, Amaia eta Ahumada (beste espaloian).

**IRUNZARRA** Taberna Jatetxea

Iruñea Zahararren bihotzean

**ORAIN SAGARDOTEGIA ERE BAI**

JATETXEKO EGUNEKO MENUA  
 SAGARDOTEGIKO EGUNEKO MENUA  
 (Menu bereziak larunbat, igande eta jaiegunetan)

Iruñazarra duzu, Alde Zaharrean, tradizio handieneko lekuetako bat. Oso egokia ospakizun eta lan bazkietarako eta batez ere, gaitzeko.

**ERRESERBAK**  
 948 22 51 67

Mercaderes k/ 15 - IRUÑEA



ASIER AZPILIKUETA

Mota askotako arropa saltzen dute Amaia karrikako Oinez dendan.

**KANTIXA**

**Bokatak eta Martxa**

Juan Labrit, 33 • 31001 IRUÑEA  
 Tel.: 607 997 060

Terraza Lorategia

**Caballo Blanco**

Iruñeko Txoko Politena